

EW NOMOPUNG

A AWORA UKUKUN NIMW NGOROU CHANA (\$5,000) REN FAN ASENGESIN MONIEN EWE ADULT  
EDUCATION PROGRAM NON CHUUK.

EPWE PUNG ME REN EWE TRUK DISTRICT LEGISLATURE PWE:

Tetten 1. Kaworen Moni. Iei a kawor ukukun nimw ngorou chana (\$5,000) seni ewe Monienapen Legislature ren fan asengesin monien ewe programen Adult Education non Chuuk.

Tetten 2. Tumunun Moni. Ewe Meinapen Pekin Education non Chuuk, iei a mumuta ngeni an epwe wisen tumunu ei moni mei kawor. I epwe pwan awora repotun nounoun me mwokutukutun ei moni ngeni ewe Legislature non ika mwen May 1, 1977.

Tetten 3. Niwinsefanin Moni. Met ukukun nussun ei moni mei kawor esemwo it ne nounou ika nussuno tori non September 30, 1977, epwe niwinsefaniti ewe Monienapen Legislature.

Tetten 4. Poputan Pochokunan. Ei Nomopung epwe poputa pochokunan fansoun chok an a kapungunno me ren ewe Kepina non Chuuk, ika fansoun chok an a pusin winiti ew annuk, inamwo ika ewe Kepina esemwo chiwen apunganno.

Sain seni: B. Sana  
Koichi Sana, Speaker  
Truk District Legislature

Annetata.: Albert  
Datasy Albert  
Legislative Clerk/Secretary  
Truk District Legislature

Pwinin maram: 6/22/76

A kapungunno seni: Mitaro S. Danis  
Mitaro S. Danis  
District Administrator, Truk